

增補甘泉縣志

函壹

福壽無疆

卷之十

香雪月軒

甘泉縣原志序

聖朝龍飛百年聲教覃敷丕冒海隅日出凡郡國州邑莫不有
乘志以紀其山川風土民物上之職方同軌同文之盛
亙千百世以來未有若斯之臻其極者也揚州於漢時
置縣曰廣陵曰江都廣陵在郭下江都在城之西南蓋
兩縣並峙焉後或析置輿縣齊甯縣或改名邗江縣江
陽縣又或分本化縣揚子縣雖歷代省置更易不一要
皆卽廣陵江都兩縣地耳至元始併入江都爲郡首邑
則江都之地廣政繁可知矣雍正十年制撫請析縣以
分理之境有甘泉山隆然特起象應天樞說者謂爲地

增修甘泉縣志

原序

一

脈所鍾靈因並請名其縣曰甘泉

世宗憲皇帝制下曰可由是而甘泉遂與江都同治郭下猶昔
之江都廣陵相依輔也夫邑之有甘泉自今始則其山
川風土民物不容不分紀以別於江都使當時後世之
有所稽考余忝守是邦嘗進長斯邑者而趣其所宜有
事草創則吳令執其勞討論修飾則張令殫其力校讐
潤色則王令要其成更三人而甘邑之新志乃克以備
觀覽焉其授之梓也則薦紳汪光祿肩費於前令子甯
波太守繼志於後得濟美而新志之簡編乃克以資流
布焉信乎著書之難而大力之舉之非易易也今卽告

終事矣閱者固可開卷粲然援據古今於江甘犬牙相
制之中確得其分合異同之跡於以知

朝廷析縣置吏之所以然而余更幸郡無闕志足備輶軒之采
風則載筆而弁其端者亦職守之所未可諉且謝者歟
是爲序

乾隆八年秋七月既望

特授中憲大夫知揚州府事加二級紀錄八次襄平高士鑰書

甘泉縣原志序

有一縣必有一縣之志凡以使一縣之士俗民風罔有遺佚異日供輶軒之采而備國史之全胥賴是也辛酉

四月宏運

始蒞甘泉甘泉爲新設縣舊合江都事皆與

江都並載自雍正十年分立後甘泉遂無志余亟謀所以志之而前令吳君已請太守高公轉請各上憲允其

創立屬稿未就宏運

步其後塵因與邑之賢士大夫商

推考證始竣厥事蓋一縣之大經曰政事曰教化聖天子仁育義正赫聲濯靈在宥天下以江都事繁分析此縣苟不昭之以文明整之以軌物甚非所以致敦龐而臻

增修甘泉縣志

原序

三

上理也宏運

奚敢且紀載之書不立又何以使一道同

風之治傳之永乎爰分三十九門斟酌裁定上遵憲典旁搜藝林期無乖謬遺漏而止

本朝人物其有樹勛名修德行爛然於耳目閒者固備載之以爲此邦之式若夫一節之善一技之長亦必分類以紀不敢湮沒不彰此則區區自盡之心也載稽曩昔順治閒有施閏章海鹽志康熙時有陸隴其靈壽志皆昭代大手筆近則陸觀察師儀徵志亦詳而有體瞻而有文可以爲志家法是編仿朱彝尊日下舊聞例冀可以傳世而行遠自愧簿書鞅掌譴陋粗疎不堪竊附於作

者然闡幽表微信核實苦心所在惟慎惟嚴十閱月而蕝厥事焉後之君子若欲叩是編之所起與鄙意之所歸則具例言二十四則於左方可覆按而知也時乾隆七年歲次壬戌八月望日文林郎知江南揚州府甘泉縣事江夏張宏運序

甘泉縣原志序

邑之有志與國史同功歷代之沿革損益與夫山川民物學校農桑皆在所志苟考核不詳卽無以徵信於異日此非才學識三者兼備未可以苟且作而且以作之者之從此始爲尤難也我

朝歷聖相承仁漸義摩雖山陬海澨無不喁喁嚮風鼓舞昇平而揚州當南北之衝皇華載路運艘飛帆賈客商民水陸駢集城郭之雄麗人物之豐繁垂諸紀載自足光海內而傳之奕禩者矣

世宗憲皇帝諭令各省制撫增修通志務以精當爲期則凡有增修甘泉縣志

原序

五

志無不精詳考據不致有闕且濫稍留遺憾獨是甘泉爲江都分縣其幅員遼廣自當與江都分志於分之中而摭拾旁搜遠稽前代近著

本朝凡甘泉所分有者皆甘泉所應有者也宰斯邑者按其圖籍歷歷可據於以化民成俗聲名文物上躋醕靡他日太史所陳職方所掌亦足以驗東南分邑能宣天子德意而納民於軌物也不亦偉歟

熙泰

于壬戌之冬承乏斯土竊謂有分邑不可無分志詢邑之紳士僉云從前舊令已經請命而各憲悉以爲宜創之者霑化吳君繼之者江夏張君考證古今分門別類若網在綱有條

而不紊熙泰校讐增損固有垂成之任第自愧筮仕以

來筆墨久荒而甘邑政務旁午尤無暇搦管妄贊一詞
然又不能以不文諉所幸編輯之功業已成書其間或
有未備不過略加潤色勉步諸君之後而已然則是書
之成前人之功力固多余之用力較少其盡心則先後
無異焉後之覽者知甘泉爲分縣卽有分志志之不易
作而作自今始時

乾隆八年歲次癸亥桂月望日文林郎知江南揚州府
甘泉縣事蓋州王熙泰序

增修甘泉縣志

原序

六

甘泉縣原志

凡例計二十四則

一縣設於雍正十年土地人民既有專屬章程圖籍宜訂成書宏運忝竊守土敢不綜稽方冊博采輿論兢兢載筆以揚

德北於是列爲三十九門部分類從期於不蔓不支而止不敢簡率以從事也

一此志之體裁仿朱太史竹垞日下舊聞例采用書史成語不加增損並注所引書名見所從來閒有竊附已意者則加一按字以別之

一凡志各門前必用韻語爲引後必有贊語數行是編

增修甘泉縣志

原志凡例

七

論斷悉散見於各條故前後俱不贅一辭

一門類次第原無一定志之所重固不繫乎此然牽合割裂茫無頭緒亦未免矢志家體是編悉本雍正揚州府縣志類次縷列閒有一二分併如河防水利之類皆關繫運道民生最鉅者故另列其門以備修浚參考非敢意爲因革也識者自能辨之

一賁海爲鹽乃食貨之大者甘泉雖止銷食鹽而其地爲鹽莢萃集之所亦有關於土俗故志之民賦後一學宮在駱駝嶺其來已久前人之碑碣尙存舊日之棟梁已朽而自江甘共學以來棖楠一新規模加廓

祭器樂器備於當年迥非舊志所能仿髣故志學校一門惟以太守高公重建三學碑文爲準一學田之設原以供學校自應照例並載至書院數區不論存廢一并附入亦以徵教養之全也一軍政之志大都紀歷代兵革之事而以封建附之似未妥協故是編止載

本朝設立營制衛制郵傳之政巡緝之兵至歷代兵革則另備世紀中不更贅

一祠祀必以頒之禮官者爲定今社稷城隍江甘共祀世廟特設先農壇甘泉另有其地 關聖祠亦各承其事

增修甘泉縣志

原志凡例

八

至於諸神祠廟不一其區悉照舊志登之不敢意爲去取

一建置官廡或遷改或裁廢仍存其名與地橋梁渡口總在通津故附之山川至於寺觀雖無足重輕然亦未可頓廢姑別爲一帙以存之

一冢墓之有專記自李彤皇甫鑿始今甘泉有劉厲王冢俗訛爲琉璃王冢不可不爲考正其他名阡古窆甚多俱不可付之荒煙蔓草故志之古蹟後一江淮閒地稱要害自春秋吳楚以來如漢之安瀛唐之高畢五代之楊李皆藩鎮之跋扈者稱兵殆無虛

日舊志略綴其事於軍政門內今仿日下舊聞例列世紀一門歷代大事包舉其中

一舊志封建附軍政門今考荆吳江都廣陵之爲王皆在此地誠有不可略者故志封爵于世紀後

一凡志皆言考古蹟矣而古蹟不易考也況江甘本屬一地是編所載古蹟皆甘泉境內者疆理井然不容混也

一縣雖新設合之往昔郡國志書正當漢廣陵縣故地故自昔有統轄茲土者有牧守茲土者偉績大猷爛然可紀卽江都舊令有造於斯地者亦一一采入名

增修甘泉縣志

原志凡例

九

宦崇德報功庶無闕略蓋亦猶趙苞之令廣陵徐甯之治輿縣爲江都名宦之始耳

一歷代選舉皆以江都爲本籍今無從分析故仍舊志其在分縣後則兩地較然所宜區別

一史家列傳原以待名臣宿德若夫孝義篤行循吏儒林等傳則各就其人目之志家仿此多分名目所以區別各種人材耳今仍循舊例分繫之

一本縣人物歷世久遠莫考其里居故全依舊志登載至若

本朝賢哲士著某鄉某鎮與列第於新舊兩城確有分界

不敢借才

一聞康熙雍正閒江都有陸李二志李志所收人物太寬爲輿論所不服故陸明府起而正之非得已也至節婦一門有議其刪削太多者蓋或以年例不符或以事節未著亦非涉於過刻是編將已奉旌表已登府縣志者概爲登錄其本家陸續具呈從而核實者俱用雙行備錄以俟采舉

一舊志從無碑碣一門有之自是編始蓋緣古來遺蹟竟有史冊所不載而金石鐫之確可傳信者卽維揚近歲東鄉民掘地得楊吳潯陽公主墓志一石豈不

增修甘泉縣志

原志凡例

十

可以補十國春秋之缺乎志碑碣亦以廣稽古也
一經籍之有志昉自漢書今志家往往有此是編分經史子集起至選刻止而此地有康熙閒奉勅編纂校刻之書洵足寶也

一藝文之志非以誇文詞鬪聲華也蓋必有經濟之實可以見諸施行有關於綱常名教與夫

國計民生者而後乃載之簡策傳之永久故是編之去取原不在語言文字間也有心世道者或共諒之乎
一邑之有志所以志一邑之所獨原無取乎同也其有得同者又不可以立異如傳記直書某某之類此史

家書法爲體例之當從者故一仍其舊

一此志始基於前令吳君而續成於宏運以中多宏運更訂知不免挂漏之譏誠不欲以過歸之非敢泯其迹掩其功也茲並著於此以俟世之知者

甘泉縣原志

修志職名

監定

江南揚州府知府

高士鑰

總輯

江南揚州府甘泉縣知縣

吳鶚峙

江南揚州府甘泉縣知縣

張宏運

江南揚州府甘泉縣知縣

王熙泰

原任翰林院編修

葉長揚

原任翰林院檢討掌江南道

吳濤

同輯

增修甘泉縣志

原志修志職名

十一

浙江貢生

朱星渚

舉人

厲鶚

貢生

施安

生員

張燧

監生

陳章

杭州廩生

吳可馴

揚州舉人

馬榮祖

江甯進士

王元蘅

捐刻

特授光祿寺少卿又議敘加五級

汪應庚

浙江甯波府知府

汪起

增修甘泉縣志

原志修志職名

十三

甘泉縣原志 目錄

卷首

序文 凡例 職名 目錄 圖式

卷第一

建置沿革 有表 星野 祥異附

卷第二

形勝 疆域 城池

卷第三

山川 橋渡附 河防 水利 陂塘附

卷第四

增修甘泉縣志

原志目錄

十四

風俗 物產

卷第五

賦役 戶口 軍政 鹽法

卷第六

世紀 封爵

卷第七

學校 職官 廨宇

卷第八

選舉 附封廕

卷第九

名宦 祠祀

卷第十

寺觀

卷第十一

古蹟上

卷第十二

古蹟下 塚墓

卷第十三

人物上

卷第十四

增修甘泉縣志

原志目錄

十五

人物下 忠節 孝友 篤行 文苑 武勳

隱逸 戚畹 附百齡 人瑞 寓賢 方伎 仙釋

卷第十五

列女

卷第十六

碑碣 經籍

卷第十七

藝文上

卷第十八

藝文中

卷第十九

藝文下

卷第二十

叢綴

增修甘泉縣志



原志目錄

十六

增修甘泉縣志


圖



增修甘泉縣志

圖

二






甘泉縣治圖


增修甘泉縣志

圖

三








安文書院圖

增修甘泉縣志

圖

五






增修甘泉縣志

增修甘泉縣志

圖

六






大運城圖

增修甘泉縣志

圖

七





甘泉山圖

增修甘泉縣志

圖

八








新修觀圖

增修甘泉縣志

圖

十






增修甘泉縣志

圖

十一






增修甘泉縣志

圖

十一







增修甘泉縣志

圖

十三





甘泉縣續志序

嘉慶癸亥春觀國自蕭邑調任甘泉取閱邑志創自乾隆八年者歷三政成書我先外祖侍御吳旭亭先生曾與總輯甲子一周時事日增輒有志踵修簿書旁午尋署江防管糧高郵諸任碌碌竟鮮暇日己巳春回甘泉適 齎使阿厚菴先生重修揚州府志徵事各邑掇羅采訪不乘此一加存錄後益難考然時日之所迫物力之所需未遑開局重訂昔宋代有會稽續志赤城續志及玉峯續志諸作一皆因仍前志不煩更改擬循仿其例取便集事且亦我外祖舊日體裁也商之郡博李君

增修甘泉縣志

續志序

一

嗇生贊以爲可遂屬無錫王上舍晉汾檢查公牘門下士謝副貢開基旁加掇訪以就排纂于郡博而觀國間共商推焉閱半載脫稿成十卷特冠以卷首惟是前志之作去分縣纔十餘載大半皆取裁江都卷帙雖繁殊少限斷今之所續遞有增益于人物仍多歧涉難盡畫一其旨具見凡例中亦藉爲守土者修記載之職追放軼之愆而幸值事機之會以相黽勉于有成後之君子鑒其疎略或尚有攷乎此海甯陳觀國

嘉慶十五年歲次庚午夏四月

志稿粗畢會奉檄貳守海門匆匆于役未及付梓邑

侍御徐公寅亮暨邵伯鎮徐元善丁二陽趙浚王德
民齊梅徐元桐謝煜秦體仁毛克惠王國銘符啟裕
蔣廣衢翟如順諸紳士公助剗門下士汪孝廉喜
孫校訂刻日竣事其功均不容泯也前志遞經挖改
失真本擬加修理今亦姑俟將來觀國又記

甘泉縣續志序

海甯陳惺齋先生宰甘泉之六年政成報最將擢海門
貳守以行會揚州方修府志徵事屬邑甘泉自雍正十
年分江都建縣以乾隆八年成志閱今餘一甲子矣明
府擬續前志仍其目而增入之辱商於保泰保泰爲復
于明府曰夫甘泉勝區也修志盛舉也地大則叢叢則
遺軼易多時久則曠曠則參稽易漏縣志供府志之采
擷則詳略宜辨續志循前志之體裁則今昔較殊見聞
單隘耆舊鮮衷吾恐無由邀知者之原諒而先增不知
者之詬厲于先生奚裨焉無已輒屬稿而請是正之爰

增修甘泉縣志

續志序

三

按官牘事諮訪分類排葺編年賡續而著其義于凡例
邑與江都並附郭土斷雖分人物參互故事留貽旁羅
散軼無能較然判別罣漏舛誤均所不免則以冬烘場
屋伎倆不足與參著述之家聊爲此六七十年稍存梗
概閒錄前聞以待後來賢者之改作是則明府勤勤誣
諉之盛心而深愧其無所郊于萬一者也書成爲述于
簡端寶山李保泰

甘泉縣續志 凡例

一邑自乾隆十六年以來六被

恩幸園亭寺觀境內尤多而金灣六閘諸處爲宣節要區
睿藻增輝昭回雲漢恭錄爲卷首

一志以續名體例悉仍舊貫其小有不符者依類注明
一作志每集眾手不皆貫串亦或掇奇示博閒出附會
而于史傳中世次事蹟反有牴牾錄爲考正一卷
一前志之專屬甘邑者十餘年所錄無幾大半合江都
記之唐宋元日以漸遠有爲歷來府縣志所未收恐
遂湮沒隨筆爲葺補一卷然見聞孤陋又有望于後

增修甘泉縣志

續志凡例

四

之補者

一江甘分邑後考試仍各從便故籍貫全不畫一加以
始尙未裁商籍儀徵又大半居郡城徽州或累世寓
揚仍繫故籍混淆不可勝辨佚之則似遺珠錄之又
疑借才就所確知者存之事遠或遺希閱者之見諒
焉

一揚當孔道四方多以流寓卜居又復隨宦轉徙往往
無從訪其後裔雖土著此邦亦有積久陵夷譜牒放
佚散見者率不具首尾且或深祕不出咨詢殊艱良
憾缺遺

一沿革星野形勝山川風俗物產世紀封爵古蹟皆無
可增其城池河防水利軍政鹽法學校廡宇祠祀寺
觀間有修葺漆改則分門繫之至職官選舉塚墓碑
碣經籍皆以次添入而選舉名目頗煩軍功與人物
之武勛相類隱逸戚畹俱合從刪列女掇葺頗廣類
爲分紀與江儀不盡別白藝文叢綴仍有閒錄前代
不專繫甘邑者率皆爲歷志所遺有關於人地事遂
以類編入而一切登臨觴咏之作不可勝載甯從闕
焉詩餘概不甄錄

一前志旣輯藝文各條內又附錄詩文于體複雜今一

增修甘泉縣志

續志凡例

五

概歸入藝文以時代爲次不復分體

一生者例不作傳虛詞騰譽抑又傳誣也掇仄隱而發
幽潛區區微尙深慮不周

一邑中著作蔚然多詳故實現所取資者于廣陵詩事
淮海英靈集畫舫錄北湖小志爲多其曾助採訪則
有江都副貢張維楨本邑諸生王峻陳嶸

甘泉縣續志 目錄

卷首

天章

卷一

考正

卷二

葺補

卷三

祥異

城池

橋渡

河防

水利

賦役

軍政

鹽法

增修甘泉縣志

續志目錄

六

卷四

學校

職官

廨宇

選舉

卷五

名宦

祠祀

寺觀

古蹟

塚墓

卷六

人物

忠節

孝友

篤行

文苑

寓賢

方技

方外

卷七

列女

碑碣

經籍

卷八

藝文
文

卷九

藝文
詩

卷十

叢綴

增修甘泉縣志

續志目錄

七

所資書者累月懶祭鱗
 次兩資書成帙比兵燹
 後兩書舊版蕩然無人
 存又况寒暑遞嬗文曰
 事因心考獻微予文重
 新月異其有猷徵予文重
 修之實亟特非胸羅

全史筆擅三長則莫
 心敢肩徐谷成敷延
 訪儒俊不蒐輯遺問乎
 首編枝不遠二干里
 問序于朝恂惜書甫脫
 豪溘寫朝未竟廡緒
 公曾熙大未竟廡緒

幸我車馬明府桂台
 筆下索此書力廢具
 舉首飾潤色之責任
 論非乎大備固付梓
 予是乎此志乾隆間
 州創夫更三政而
 成

儻所謂惟周克和慎
 厥始惟君陳克和慎
 中惟台克成厥業
 非耶計恂今幸恂十有七
 非矣計恂今幸恂十有七
 十五計恂今幸恂十有七
 生有而五幸始而

欣見此志第三
 次告成亦一奇
 也爰并識諸簡
 端光緒十七年
 歲次辛巳十月
 之望賜進士出
 身大夫誥授光
 祿賞戴筆翎

增修甘泉縣志

董序

四

紫禁城騎馬戶部尚
 書董恂謹撰并書



增修甘泉縣志序

甘泉一邑本江都北境

國朝雍正九年始析置之其地前跨蜀岡後臨北湖岡西最高處曰大儀鎮近接儀徵橫山界連天長宋韓世忠禦金人於此當時淮東資其捍蔽雖今昔異勢要亦阨塞之區也岡東盡運河北曰槐子橋河南岸曰茱萸灣江淮至此合流經城下爲郡治東北隘口北湖合高郵諸湖匯爲巨浸以露筋分界由湖西岸越運河而東曰邵伯埭東障下河西捍湖水爲沂淮達江衝要驛通七省往昔盛時糧艘往來必經於此南北商販輸轉百貨

增修甘泉縣志

下序

一

據爲屯儲農末相資遂足補租賦之所不足其有贏餘亦得以時修隄防濬漕使高原下隰旱澇有備以故境內之民夙稱富庶自兵興以來其西南北三面皆當賊衝數被寇掠營壘屯戍所在而有前岡後湖之民旣多喪亡散失邵伯埭雖未受賊擾而商旅視爲畏途則皆間道而去今承平幾二十年井里幸無湮廢而百利喪於烽煙子遺困於桑海商失舊業農憂石田昔之富庶盡成貧瘠自非講求利病與時變通欲無閒曠其可得乎邑志自初析時始有專本閱七八十年至嘉慶間乃獲重修今又閱七八十年矣中更多故陂塘井堰道

路津梁田賦戶口有未可以成說概者因革損益參酌而修明之良有司事也前邑侯徐君慨然有志於此集邑之紳耆父老口詢目驗必審必周得所采事蹟若干冊編輯未竟而歿幾至中輟今桂侯來權斯邑惜徐君之善政不卒復爲詳其體例汰其荒蕪俾後之官斯土者有所據依以裨其治則斯志之續豈直數十百年之利哉予世居郡城雖籍隸儀徵而先塋實在邑之西境祖宗邱墓之鄉見聞所及麤能舉其原委異乎虞翻所云外來之君非其土人者也桂侯不以予爲不文屬爲弁言以暢厥旨謹述其民生地利之大者綱舉目張於

是乎在嗟乎宰一邑耳先後得兩賢侯瘁其心力始得備詳政要勒爲成書以示來者宰天下者顧可以無本之治治之哉

誥授光祿大夫前兵部侍郎兼都察院右副都御史巡撫福

建等處地方提督軍務兼理糧餉加三級卞寶第序

增修甘泉縣志序

自來循良之吏出宰一邑未有不汲汲焉視纂修方志爲急務者蓋受民司牧凡一邑之民生利病旣周諮於其賢士大夫矣而不考昔人張弛之迹與夫盛衰興替之由風俗之何以敦龐戶口之何以蕃息反復焉以求其故則今日之所謂因時制宜者奚自沿流討源由本達末一一推行盡利哉是邑志一書良有司所宜參之左圖右史之間而資爲治本者也而況闕焉不修者垂數十年之久乎又況前人未竟之緒賢者得不力承其任而樂觀厥成乎甘泉邑宰桂君

正華

以其再續縣志

增修甘泉縣志

洪序

一

告成徵序於予予案原志成於乾隆癸亥續志成於嘉慶庚午嗣是闕焉光緒己卯前邑宰徐君

成敷

始毅然有續修之舉事未半而中道殂謝越明年桂君攝是邑慨捐廉俸謀諸邑中耆俊踵而成之體例謹嚴蒐葺詳核其設施之有具而能普實惠於民卽此見之矣始予識桂君於安慶軍幕繼又於會鞠建平教案得識徐君竊嘗心焉藏之以爲之二君者使司民牧其必大有異於刀筆筐篋之爲而又非挾智謀術數操切求治者比庶幾循良之選與茲予奉

命都轉兩淮而甘泉再續縣志適竣予旣嘉桂君之事有成

於徐君爲無負而又竊幸予言之不謬也於是乎書光
緒七年季冬初吉兩淮都轉鹽運使司鹽運使洪汝奎
撰

增修甘泉縣志序

凡事之成莫不有其時也況志書關闔邑之風化闡前
哲之幽光未及其時有欲成而未能成者成數於光緒
三年四月忝署甘泉下車伊始訪查志乘求之書賈而
不得求之世家大族而亦不得料應早付劫灰無復設
修志之想越二年忽於公道橋阮實齋光祿家得原志
續志各一部竊歎向則求之不得今乃不求自得者蓋
時之有至有未至也展讀一過知原志成於乾隆八年
續志成於嘉慶十五年迄今七十餘稔以其時考之則
可矣況此邦人士被

增修甘泉縣志

徐序

一

聖朝禮陶樂淑之化涵濡二百餘年一自兵燹迭經城垣三陷
其閒忠臣孝子義夫節婦較諸承平之日愈多倘令
事蹟不傳歷時愈久湮沒不愈甚耶於是申稟大府
由成數加委提調邀集縉紳分任其事並擬增修凡例
各條毅然有修志之舉惟向來修志局用浩繁今則經
費無多不開局用不支薪水鈔胥委之書吏采訪託之
薦紳收掌歸之提調校對屬之幕賓纂修之事則成數
自任纂成繕稿送紳核訂用活字板刷印成書工費紙
張自行籌款發給事半功倍時哉弗可失矣是年秋成數
僱工刊刻活字業將竣工陳編雖已彙全新稿尙未

齊備成數乃積勞邁恙疾時刪訂深慮夫時之不再也

而猶未能成於成數之手者豈非時之猶有待耶嗣因

捐升過班呈請瓜代將原稿移交仍俟後之君子修飾

潤色以成此未成之志此則成數之所仰禱者也

光緒六年歲在庚辰正月上旬江蘇試用道前署揚州

府甘泉縣知縣皖松徐成敷撰

增修甘泉縣志序

邑志之作古無所考周禮春官小史掌邦國之志前漢書因之有十志顏師古註云志記也積記其事也雖與後世作志不同實卽志書之權輿揚州古稱名勝自漢以來城邑俱附蜀岡當今郡城西北境雍正間始析其地置甘泉一邑昔賢所推湖山佳處多在郭外岡內水深土厚利擅農桑頃自兵興樓閣燼於薪蒸阪田鞠爲茂草陂塘濬築之事踵舉爲難雖舊志可考成法具在而因時變通有未可墨守者矣前任皖松徐君實菴首倡修志之議延請邑紳搜輯舊稿已有端倪惜以邁疾

增修甘泉縣志

桂序

一

辭官此始修未竟修者也淞水秦君筱芝履任數月正籌接辦遽歸道山此欲修未及修者也光緒庚辰季秋

正華

權膺邑篆查閱志稿前款無存適值歲旱議辦蠲

賑典牛散給籽種諸務昕夕不遑駸駸乎不暇修矣加以邑之西山地居高阜向無汙港支河夏雨愆期卽憂水涸爰擬開濬公塘以資灌溉曾經詳陳大府而需費甚鉅事又急於修志兩款兼營一籌莫展又幾幾乎不終修矣惟思邑志功已及半若因經費無出其事中止良可惋惜且有負前任徐君創修之志爰於辛巳夏

正華

量捐薄俸復勉力籌畫延請各紳校讐舊本採訪

新增悉遵徐君體例兼有舒少尉霖補苴掇拾始終其事自六月開工十二月告成是書也或作或輟歲月三更幾於半途而廢今幸竭力圖維得以蕝事俾闔邑中山川人物忠孝節烈諸大端數十年散軼而莫可考者皆得垂諸簡冊此皆賴前任徐君創之於前邑中諸君子助之於後而正華遂得附驥尾以觀厥成自愧才疎不敢昧守土之義謹就周覽所及稍有裨於斯邑之利病者書之邑志雖成而開濬公塘之舉後之賢者或能相與以有成焉是則正華所深幸也夫

光緒七年歲次辛巳嘉平月上澣之吉同知銜直隸州

增修甘泉縣志

桂序

二

用知江南揚州府甘泉縣事石埭桂正華撰

後序

昔朱子撰名臣言行錄自恨書籍未備多所遺闕以朱子之才學識不敢自信矧譎陋如正華而欲徵數十年不足之文獻以傳之無窮其遺闕之譏固不待議余後者之有所指摘也初余承乏斯邑繼實庵先生之志輯纂志乘嵌活字成板固非久遠之計且續志尙多脫簡亦屬美猶有憾已於瓜代時請之長吏謀付棗梨仍以舒少尉爲提調而丐邑紳范君用賓重加釐訂范君固辭不獲乃引以爲己任凡一閱寒暑而脫稿將付手民少尉又輾轉以乞趙君熙和任校讐之役趙君又獲李

增修甘泉縣志

後序

一

氏完本續志補其脫簡亦十閱月而鋟板告成余方有事白下少尉以初印草本郵示正華受而讀之知大綱不改其初而損益其新增補葺其脫簡則趙范兩君之力也夫兩君清潔自好都人士所共知又復窮年矻矻以終厥事苟非有闡幽之志其孰能與於斯正華不欲沒兩君之勞因書數語於簡末以告邑人之讀斯志者光緒十年嘉平月桂正華又識

增修甘泉縣志序

邑之有志所以誌一邑之沿革損益期有裨於治術而已而成書早暮亦若有定數焉往往因文辭體例未敢遽信遲疑待正久而散失使一邑之文獻與夫忠孝節烈之事皆湮沒而不彰是亦大可惜也此志創於前任徐君實庵稿已定而卸事秦君筱之接任數月未暇理及而歿桂君實之來權邑篆力任是役討論閱數寒暑始捐廉付梓復以編校未精重鋟其板工未竟而調任劉君梅生周君仲豐均以在任日短無暇及此甲申春

公純

承乏是邑繙閱舊稿覺文辭體例尙不悖於古爰

增修甘泉縣志

朱序

一

亟欲觀成聞桂君去時曾託舒君小巖代竟其工舒君以事關闔邑筆削恐有未愜致貽後人以口實坐是遲疑者累月

公純

竊謂志乘之修不過備掌故資攷證已

耳果其事皆紀實又何必過事瞻顧且

公純

自維謏陋

才識不逮徐桂二君遠甚若再存一不敢遽定之心將此事諉諸異日日復一日愈久愈難竟其緒既無以成徐桂二君之志且使一邑之文獻與夫忠孝節烈之事皆湮沒而不彰不愈滋咎戾乎爰請舒君速成之歲紀既周剗劂工竟於是居然覩成書矣憶

公純

前權桃源

時曾興修志之議稿未成而卸責繼至阜甯適修縣志

得與秉筆諸君子互相討論稿已成而未刊今來是邑
親見此書告成一若有相待而然者信乎徐君之言曰
凡事之成莫不有其時也何其幸歟爰識數語以誌緣
起云爾

光緒十一年春正月既望江蘇補用同知直隸州知州
知甘泉縣事壽春朱公純撰

增修甘泉縣志 凡例

一原續兩志體例精嚴增修者不敢妄易惟原志首載
建置沿革續志冠以

天章重

宸翰也茲仍謹列卷首並非以續志居前自亂其例

一前賢別爲續志者不欲更易原志示謙遜也今但新
增事實並不欲更易續志故於分門別類之中先原
志次續志次新增總於各條之下註明以分眉目
一編纂之文皆邑紳眾力襄助而成特於卷首備列銜
名不敢掠美

增修甘泉縣志

凡例

一

一邑風純厚如籌備修志經費知敦善之士必不吝捐
貲惟矢口勸捐恐勞民力今編纂諸公均廉潔好義
誼篤桑梓不收脩脯局卽設於縣署免支局用惟備
書刊刻紙墨之費悉由縣自籌

一邑志久未修輯事實難稽幸續纂府志告成於前一
切大綱均已登載茲謹就府志已載者增入其未載
府志者詳慎採訪以昭核實

一沿革星野疆域形勝山川風俗物產世紀封爵皆無
可增補祥異因時略敘水利河防摘錄北湖甘棠兩
小志並河工成案城池民賦軍政鹽法學校廨宇祠

祀寺觀古蹟塚墓間有改移則分門繫之選舉人物
忠孝節烈碑碣經籍藝文叢綴均經採訪增入不敢
遺亦不敢濫

一前書用活字板刷成諸多舛誤茲另行籌款付之棗
梨冀垂久遠

增修甘泉縣志 職名

督修

前兩淮都轉鹽運使司鹽運使 洪汝奎 湖北人

前署江南揚州府知府 程儀洛 浙江人

鹽運使銜前署江南揚州府知府黃波 湖南人

三品銜升用道調授江南揚州府知府宜霖 廬藍旗人

總輯

江蘇試用道前署甘泉縣知縣 徐成敷 安徽宿松人拔貢

同知銜直隸州用前署甘泉縣知縣 桂正華 安徽石埭人

同知銜調署甘泉縣知縣 朱公純 安徽壽州人

增修甘泉縣志

職名

一

總纂

戶部主事 陳浩恩 甘泉人

同知銜前江西進賢縣知縣 江璧 甘泉人

同知銜廣東試用知縣 毛昌善 甘泉人

理問銜候選教諭 丁國瑞 甘泉人

前署贛榆縣訓導 戴起芬 甘泉人

舉人 朱鳳儀 甘泉人

舉人 陳桂馨 甘泉人

重纂

國子監典籍銜前署靖江縣教諭范用寶 甘泉人

重校

附監生

趙熙和

甘泉人
江都籍

參閱

同知銜兩淮遇缺儘先候補運判萬葉菘

安徽鳳陽
縣舉人

提調

五品銜江蘇候補道庫大使

舒霖

安徽懷
甯人

總校

甘泉縣訓導

趙書禾

丹徒人
副貢

分校

候選訓導

張泰交

江甯人
廩貢

增修甘泉縣志

職名

二

廩生

桂培森

安徽石
埭人

試用訓導

劉啟彰

寶應人
廩貢

分缺閒補用典史

桂步瀛

安徽石埭
人附貢

采訪

二品銜候選道世襲輕車都尉

楊澍

甘泉人

四品銜中書科中書

阮先

儀徵人

五品銜候選光祿寺署正

阮充

儀徵人

二品封典候選同知

徐彥林

甘泉人

湖北候補同知

毛鳳音

甘泉人

供支

候選巡檢

唐孚交

安徽石
埭人

增修甘泉縣志

職名

三

增修甘泉縣志 目錄

序文 凡例 職名 目錄

卷首

天章

卷一

建置沿革 有表 星野 祥異附

卷二

形勝 疆域 城池 山川 橋渡附

卷三

水利 陂塘附 河防

增修甘泉縣志

目錄

一

卷四

賦役 戶口 風俗 物產 軍政 鹽法

卷五

世紀 封爵 事略

卷六

學校 職官 廨宇

卷七

選舉 附封廕

卷八

名宦 祠祀 上

卷九

祠祀 下

寺觀

古蹟 上

卷十

古蹟 下

塚墓

卷十一

人物 上

卷十二

人物 下

卷十三

忠節

孝友

篤行

增修甘泉縣志

目錄

二

卷十四

文苑

武勳

隱逸

戚畹

附百齡人瑞

卷十五

寓賢

方伎

仙釋

方外附

卷十六

列女 上

卷十七

列女 中

卷十八

列女 下

卷十九

藝文_上

卷二十

藝文_中

卷二十一

藝文_下

卷二十二

碑碣

卷二十三

經籍

增修甘泉縣志



卷二十四

叢綴

增修甘泉縣志卷首

天章

此卷謹遵續志首列

甘泉縣知縣

臣

陳觀國

揚州府教授

臣

李保泰

甘泉縣知縣

臣

徐成敷

臣

桂正華

臣

朱公純恭錄

上諭

乾隆二十七年奉

上諭高寶一帶應宣導歸江者邵伯以下西灣壩洩水情形至
爲便捷將壩底落低四尺河頭亦加挑寬深以資利導金灣
滾壩新挑引河應再展寬以河底十丈爲率迤下地勢稍仰
並一律深通俾成建瓴之勢金灣六閘應拆去南二閘添建
石壩接築土隄並挑引渠以備盛漲湖水自無闕壅之患欽
此

增修甘泉縣志

卷首

一

乾隆三十九年五月十四日內閣奉

上諭國家當文治休明之會所有古今載籍宜及時蒐羅大備
以光策府而裨藝林因降旨命各督撫加意採訪彙上于朝
旋據各省陸續奏進而江浙兩省藏書家呈獻者種數尤多
廷臣中亦有紛紛奏進者因命詞臣分別校勘應刊應錄以
廣流傳其進書百種以上者並命擇其中精粹之本進呈乙
覽朕幾餘親爲評詠題識簡端復命將進到各書于篇首用
翰林院印並加鈐記載明年月姓名於面頁俟將來辦竣後

仍給還各本家自行收藏其已經題詠諸本並令書館先行錄副將原書發還俾收藏之人益增榮幸今閱進到各家書目其最多者如浙江之鮑士恭范懋柱汪啟淑兩淮之馬裕四家爲數至五六七百種皆其累世棄藏子孫克守其業甚可嘉尙因思內府所有古今圖書集成爲書城鉅觀人間罕觀此等世守陳編之家宜俾專藏勿失以裨畱貽鮑士恭范懋柱汪啟淑馬裕四家著賞古今圖書集成各一部以爲好古之勸又如進呈一百種以上之江蘇周厚堦蔣曾瑩浙江吳玉墀孫仰曾汪汝璫及朝紳中黃登賢紀昀勵守謙注如藻等亦俱藏書舊家並著每人賞給內府初印之佩文韻府各一部俾亦珍爲世寶以示嘉獎以上應賞之書其外省各家著該督撫鹽政派員赴武英殿領回分給其在京各員卽令其親赴武英殿祇領仍將此通諭知之欽此

乾隆四十二年六月二十日奉

上諭侍郎彭元瑞以所得明臣史可法畫像及其札稿合卷進呈朕親製詩一章題於卷端命廷臣和韻並命大學士于敏中書御製書事一篇及史可法復攝政王書於卷茲另爲裝潢篋貯著發交寅著令將此卷弁於揚州梅花嶺史可法祠中並將卷內所有詩文畫像札稿勒石祠壁以垂永遠至此卷如有願求展閱者亦聽其便但當加意護守勿使稍致污

損將此傳諭寅著知之欽此

乾隆四十七年七月初八日奉

上諭四庫全書現在頭分已經告竣其二三四分限於六年內按期藏事並特建文淵文溯文源文津四閣以供藏度因思江浙爲人文淵藪允宜廣布流傳以光文治現特發內帑銀兩僱覓書手再行繕寫全書三分分貯揚州大觀堂之文匯閣鎮江金山寺之文宗閣杭州聖因寺內今擬改建文瀾一閣以昭美備著傳諭陳輝祖伊齡阿盛柱等所有大觀堂金山寺二處藏貯圖書集成處所其所空餘格甚多即可收貯四庫全書若書格不敷著伊齡阿再行酌量添補至杭州聖

增修甘泉縣志

卷首

三

因寺後之玉蘭堂著交陳輝祖盛柱改建文瀾閣並安設書格備用伊齡阿盛柱於文淵等閣書格式樣皆所素悉自能仿照妥辦至修建書格等項工費無多卽著兩淮浙江商人捐辦伊等情殷桑梓於此等嘉惠藝林之事自必踴躍觀成歡欣從事也將此各諭令知之欽此

乾隆四十九年三月奉

上諭前因江浙爲人文淵藪特降諭旨發給內帑繕寫四庫全書三分於揚州文匯閣鎮江文宗閣杭州文瀾閣各藏度一分原以嘉惠士林俾得就近抄錄傳觀用光文治第恐地方大吏過於珍護讀書稽古之士無由得窺美富廣布流傳是

千箱萬帙徒爲插架之供無裨觀摩之實殊非朕崇文舉典傳示無窮之意將來全書繕竣分貯三閣後如有願讀中祕書者許其陸續領出廣爲傳寫祇須派委委員董率其事設立收發檔案登注明晰並曉諭借抄士子加意珍惜毋致遺失污損俾藝林多士均得殫見洽聞以副朕樂育人才稽古右文之至意欽此

乾隆四十九年五月初一日奉

上諭仿宋版五經著于直隸趙北口絳河山東德州白鶴泉泮池泉林江南天甯寺高旻寺金山焦山寄暢園蘇州靈巖山江甯徐州柳泉浙江杭州聖因寺龍井安瀾園等處各陳設

增修甘泉縣志

卷首

四

一部其平定準噶爾回部兩金川得勝圖亦著一併陳設欽此

御製文

書明臣史可法復書睿親王事 乾隆四十二年

幼年卽羨聞我攝政睿親王致書明臣史可法事而未見其文昨輯宗室王公功績表傳乃得讀其文所謂揭大義而示正理引春秋之法斥偏安之非旨正詞嚴之實嘉之而所云可法遣人報書語多不屈固未嘗載其書語也夫可法明臣也其不屈正也不載其語不有失忠臣之心乎且其語不載則後世之人將不知其何所謂必有疑惡其語而去之者是

大不可也因命儒臣物色之書市及藏家則亦不可得復命索之于內閣冊庫乃始得焉卒讀一再惜可法之孤忠嘆福王之不惠有如此臣而不能信用使權奸掣其肘而卒致淪亾也夫福王卽信用可法其能守長江爲南宋之偏安與否猶未可知而況燕雀處堂無深謀遠慮使兵頓餉竭忠臣流涕頓足而嘆無能爲惟有一死以報國是大不可哀乎且可法書語初無詬誅不經之言雖心折于睿王而不得不強詞以辨亦仍明臣尊明之義耳余以爲不必諱亦不可諱故書其事如右而可法之書並命附錄于後夫可法卽擬之文天祥實無不可而明史本傳乃稱其母夢文天祥而生則出于

增修甘泉縣志

卷首

五

裨野之附會而失之不經矣

萬壽重甯寺碑記

乾隆四十九年

天得一以清地得一以寧王得一以貞天言清而地言寧清故寧也天地清寧而王以貞貞卽壽也乾隆甲辰孟春六巡江浙先勅疆吏省供頓節勞費兩淮鹽政伊齡阿奏稱眾商籲請於天甯寺後增建萬壽寺以申忱悃且請勅賜寺名勒文以紀夫下之祝上不過以華封天保歸美君上而君之奉天子民以求萬邦黎庶之寧則未可以一言盡者朕臨御四十九年率

祖攸行六巡江浙計民生之最要莫如河工海防凡一切補偏

救弊因時制宜之方亦既殫精勞思夙夜講求不惜數千百帑金以蘄一勞永逸爲億兆生靈永遠安全之計茲幸南北河工自開放新河之後化險爲平海塘石工依限告蕝是以年逾古稀省方問俗不敢康寧夫

天以下民之寧爲寧天子以天下之壽爲壽適求厥寧文王所以兢兢也惟恭則壽周書所以惓惓也茲寺之建出于商民至誠因俞所請賜額曰萬壽重寧寺蓋合萬姓之壽以爲壽所以爲萬壽也以下民之寧爲寧所以爲重寧也如是而重熙累洽以至於萬有千歲眉壽無疆我君民永享昇平之福以迓

增修甘泉縣志

卷首

六

天庥不競不練不剛不柔敷政優優百祿是適豈不美乎至於寶相嚴莊法輪常轉以不可思議因緣證無量無邊功德所謂天以四時循環生成萬物聖人之教迭相扶持以化成天下其道一也因飭發內廷所供佛像安奉斯寺使夫寶月金容青蓮妙相長明法藏宏濟羣生則萬民之所以爲壽卽天地之所以清寧而又何必華封天保頌揚稱美之文乎是爲記

御製詩

邵伯鎮

乾隆十六年

太傅隄存錄水潯惠方邵伯頌棠陰蘭舟緩過思遺躅絕勝

東山絲竹音

邵伯湖 乾隆二十二年

東 艾陵 西 白茆 南 新城 北 社 四湖通謝傳遺休擬召公我適乘舟經

澤國修防宣蓄慮何窮

閱金灣六閘書事 乾隆二十七年

湖西下河東行潦患必逮運河挾以南歸江路宜議豈嘗無

閘壩尺寸未詳計譬如受以尺洩丈斯得濟受丈而洩尺弗

壅定致潰昨過金灣時切切慮莫置重臣命踏勘 昨以高寶湖河入江

之路未暢命大學士劉統勳等先行相度議以金灣加寬引河中閘改建石壩西灣落低滾壩各條分立標識今舟次按

閱悉協機宜 果如所言弊相商事解更一一建標記灣頭洩水暢

增修甘泉縣志

卷首

七

壁虎無多地鳳凰兩岸陡宜皆姑舍是 叶 所重金灣壩壩寬

河窄巽宣達實罕暢應與疏展暨東灣既落低 事在乾隆二十二年 西

灣當平治 亦應落低三尺今親臨視猶以為高命再落一尺 引河更拓寬俾有建瓴

勢我欲步履視細雨風帆利閤閤歷攬全進止授次第即今

東灣低河水流未泊云以待漲時春時漲弗至何不先抽薪

揚湯勞止沸是宜重審度亦寧執已意 欲使常時湖水入運

容夏潦然其有無礙運道則俟再商 然此猶治標根源吾熟思在洪湖五壩其

故曾屢示苟其清口暢是皆可勿慮 叶 其如蓄清言深中督

河碁蓄而鮮致害願從吾無悔清口靳勿拓小小煩從事信

其功難成猶將患屢試

過金灣六閘書事 乾隆三十年

西灣接東灣落低向所命

上次南巡親臨金灣相度以東灣滾壩前已落低命將西灣亦落四

尺俾湖河入江之路益暢而其鍵要尤在視高堰水誌展拓清口爲釜底抽薪之計五壩始無溢漏下河田廬頗資利賴

常瀉運水餘入江斯捷徑絜要實清口尺寸爲去聲親定五壩

無漏卮下河屢豐慶憑舟觀局勢幸矣籌偶應更張亦奚必

多言徒啟競顧語司河臣守之仍在敬

過金灣六閘書事 乾隆四十五年

車邏及南關金灣之上首瀉漲仍恐弱籌及六閘口然皆治標計治本計則否清口定水誌此事在壬午釜底誠抽薪下河獲利久戊戌河決秋洪湖不能受無已開五壩盛漲由是

增修甘泉縣志

卷首

八

走高堰幸無害爲以漸非陡下河災雖輕對民心自咎卽今慶河復此事或希有底績無良材救弊惟增醜

過金灣六閘書事 乾隆四十九年

書事已詳庚子詩總因民瘼剔疏施定其水誌于清口免以潦侵及下陂戊戌竟仍開五壩其秋幸早穫如茨雖然可一不可再虔祝安瀾後莫爲

維揚覽古 乾隆十六年

清晨解纜發秦郵落照維揚駐御舟岡有槍旗宛是蜀山纓培塿亦稱浮建牙鎮靜猶傳謝通守文章更紀歐寂寞隋隄煙柳在秋宵誰見亂螢流

維揚雨泛 乾隆十六年

風吹溼玉一絲絲
廿里邗溝畫舸移
望裏平山煙外隱
到來初地岸傍宜
已知利穡歡農父
不用清塵謝雨師

南方地溼率無塵土

故云敬讀穹碑欽

聖蹟承顏一例奉

慈帷 高旻寺有皇祖御製碑紀塔灣行宮
為奉靈壽宮皇太后南巡之故云

過維揚郡城 乾隆十六年

淮海維揚下下田
茲看撲地聚人煙
古今奚必無殊異
豐賚從來有轉旋
藏富于民欣按轡
返華以僕憶陳編
百年休養八埏靖
致此其難益慎旃

增修甘泉縣志

卷首

九

寄題二十四橋 乾隆二十二年

如帶如虹廿四臚
千秋名勝擅江都
或存或廢今兮古
移汝移揚歐與蘇
畫意詩情景無盡
春風秋月趣常殊
每因想像聊成句
歷覽何曾蹕為紆

哈薩克陪臣到因攜觀廣陵風景 乾隆二十七年

哈薩朝正貢馬頻
路遙遲到值南巡
因教馳驛來江國
便挈行春閱綺闈
昔歲觀光稱使者

卒未準噶爾使臣曾命至蘇州賜諭爾時準夷尚未勦滅

哈薩克原屬準夷不通中國也今番優賚實陪臣
廣陵鄂畚 哈薩克地名何南北

總我心懷保赤人

維揚旋蹕作 乾隆三十年

南巡往返路胥經古郡因教兩日停三月煙花雖入畫邗溝
春水合揚舲民情到處皆親愛我意無時忘撫寧最喜雲消
輝旭影宜暘夾岸麥蔥青

至維揚卽事

乾隆四十五年

小雨北風起蟄雷

是日始聞雷

夜陰曉霽進舟催日暄景麗春方

仲幼挈老扶民總來稍厭笙歌特煩聒不嫌梅竹作清陪竹

西小杜曾畱句何事唐時已有開

至維揚卽事

乾隆四十九年

維揚易馬策巡韉古寺先因到上方

舟行至揚州城北易馬先詣上方寺瞻禮遂由

陸路至香阜寺命舟

更復花宮易輕舫遂由溪路至行堂

登舟由內河行至天甯寺

增修甘泉縣志

卷首

十

行宮行宮內書堂向名之曰大觀

山情水態還如舊巷舞戶歌覺倍常在此

卽當言此處民風須識尙輕揚

蜀岡

乾隆二十七年

何山不自西南來崑崙地脊支派開參軍文賦具卓識圖經
地紀拘墟皆茱萸灣口進輕舫平山堂上聊徘徊遙想當時
賢太守二三良友相追陪還瀄返樸豈無意要當因民爲化
裁廣陵繁華今倍昔蜀岡地少多樓臺歐陽廉近吾廉遠近
者艱致况遠哉居今誌古詎易事蜀岡之述因興懷
初遊上方寺

灣頭遙見起平蜀聞說精藍有上方雖是徑蹊略紆轉果然

松竹不尋常八禪漫論通其要萬姓尤欣副所望馬足紛隨
定何礙躡蹂惟惜麥抽芒萬姓隨馬足趨瞻竟有踐踏麥苗者既不忍嚴禁呼令莫履麥田彼
乃不聽也

上方寺

蜀岡此其尾登岸必先臨尚遠笙歌沸卻欣松竹深山僧習
俗禮野烏解禪音顏李贊吳畫杳然莫可尋

上方寺

維舟暫據鞍老幼任從觀如子遇父母同心發喜歡上方莅
非遠古佛謁修檀旁室頗點綴多哉弗耐看

謹按上方寺詳前志

增修甘泉縣志

卷首

十一

竹西精舍

上方寺側構精舍杜牧詩情繪竹西筠徑宜吟猶在曲梅庭
入畫欲開齊可憐春事將昌矣爲囑江南且慢兮歌吹揚州
唐已是借他空色偈全提

謹按竹西精舍在上方寺內候選直隸州知州尉
涵修建

御賜匾聯

竹西精舍

乾隆四十九年

慧草階前亦生意德山戶外自佳鄰

御賜法物

大悲經一部 乾隆三十年

御製杪羅樹墨榻一幅 乾隆四十九年

天寧寺小憩 乾隆十六年

昨朝望裏煙雲渺今日坐覺春光舒阿大中郎畱別業優婁
比邱得廣居鳥是南音真愜聽花欺北地無虛譽平山更在
綠雲外俯暢樓牕恰受虛

天寧寺 乾隆二十二年

天寧門外天寧寺最古花宮冠廣陵指月禪枝閱百代度經
阿閣聳三層親民乍爲去聲思蘇軾傳法何須問慧能我自多
憂非獨樂豈能香界鎮吟憑

增修甘泉縣志

卷首

十二

天寧寺行宮作 乾隆二十二年

行館招提右韶春駐翠華所欣無藻繪頗足賞清嘉絲柳纒
舒葉玉梅已放花謝家風雅近率欲罷吟叉

渡江駐蹕天寧寺 乾隆二十二年

春江浪息曉風輕片刻瓜洲跋馬行舟易長川廣陵近岸臨
別館午天晴詎緣問景常探勝要爲籌河便攢程舞榭歌臺
都不繫繫吾懷者是民情

天寧寺疊前作韻 乾隆二十七年

柰苑香花集禪侶

慈寧萬壽祝如陵似茲那可異端闢但彼誰臻最上層念所入

流佛惟寂遇佳得句我猶能論民便欲論其苦廿七年來心
是憑

駐蹕天寧寺行宮作 乾隆二十七年

別館天寧古寺邊居停許就舊材便雖然商力非民力但覺
今年勝昔年墨斗研山足遣逸琪花瑶草底須妍省方更切
還淳意不爲怡然爲憮然

駐蹕天寧寺行宮 乾隆二十七年

江浙豫遊返淮揚信宿留景光及春尾民物尙吳頭真樹絕
勝古新軒那藉修葺然思謝傅千載鎮風流
去日梅纔發歸時梅子青流陰迅如此行館暫爲停靜趣相

增修甘泉縣志

卷首

十三

酬答清機泯色形花宮坐調御萬古自天寧

自高橋易舟至天寧寺行館卽景雜詠 乾隆三十年

溪河廿里進輕舟行館天寧擬駐留問景誰當繫清戀平山
待我有蘇歐

三月煙花古所云揚州自昔管絃紛還淳擬欲申明禁慮礙
翻殃謀食羣 常謂富商大賈出有餘以補不足而技藝者流
藉以謀食所益良多使禁其繁華歌舞亦誠易
事而豐財者但知自嗇豈能強取之以贍貧民且非
王道所宜也化民移俗言之易而行之難率皆類此

攸關爲喜看
夾岸排當實厭鬧殷勤難卻眾誠殫卻從耕織圖前過衣食

煙溪幾轉到天寧古樹真花蔚淨馨調御堂堂還丈六不絲

毫分示還停

天寧寺再疊前韻作

乾隆三十年

八會窮源開舍衛
三明極地演迦陵
雖云蕪郡城北郭
已似四禪天上層
馬到門前知路熟
鳥來簷下聽經能
昔題著處逢迎是
不異今朝愜賞憑

駐蹕天寧寺行宮疊舊作韻

乾隆三十年

曲徑相通向右邊
了知行館最清便
綉旌又駐仲春月
香宸何殊壬午年
嘉蔭仍看喬柏峙
幽芳已有早梅妍
大觀堂裏披書坐
無逸當前意悚然

駐蹕天寧寺行宮再疊舊作韻

乾隆四十五年

增修甘泉縣志

卷首

十四

梵寺天寧邗水邊
行宮右側駐旌便
重來仍值仲春月
別去忽成十六年
柏樹喬偏增古貌
梅花放不入時妍

軒齋依舊景非昔
東望惟增意黯然

天寧寺行宮東卽爲奉憇
慈寧之所今軒庭

如舊情景非昔思
尺瞻望惟增悽感

駐蹕天寧寺行宮三疊舊作韻

乾隆四十九年

舊有行宮古寺邊
日門日徑宿知便
觀民仍復來斯日
題句分明識昔年
春景物華繪天寶
梅心柳眼入時妍
又何加富要惟教
卽境思之祇憫然

過江至天寧寺行宮卽事書懷

乾隆四十九年

問夜金山曙景鋪
陽侯靜穩渡江艫
老攀幼戀憐誠有
聖水

靈巖耽本無瞥眼風光逾一月厪心民物永三吳南巡六度

禮斯葳佑謝

神明敬感俱

謹按天寧寺詳前志

御賜匾聯

淮南香界

乾隆十六年

浮山華海

淮南麗矚

乾隆二十二年

神威擁護

萬佛樓

乾隆三十年

增修甘泉縣志

卷首

十五

省方設教

靜吟軒

乾隆四十五年

花雨南天靈文傳妙諦香雲蜀阜舊墅表名區

乾隆十六年

閭里謳歌聞樂愷軒牕煙景適清嘉

乾隆二十二年

楚尾吳頭開畫鏡林光鳥語入吟軒

西竺駐祥輪三摩合證東山留淨業二諦俱融

乾隆二十七年

琉璃瓶水資功德瓔珞龕雲現吉祥

眾香馥郁凝華蓋多寶光明駐法輪

寶地生歡喜香臺普吉祥

樹將暖旭輕籠牖花與香風並入簾

麗日和風春淡蕩花香鳥語物昭蘇

鈞陶錦繡化工鬯松竹笙簧仙籟諧

牕意延山趣春工鬯物情

商鼎周彝自典重檻葩苑樹相芬芳

乾隆三十年

成陰喬樹天然爽過雨閒花自在香

乾隆四十五年

牕虛含爽籟坐靜接朝嵐

問景詎寧欣若績甄心益覺慎惟幾

乾隆四十九年

御賜法物

石刻心經塔二軸

乾隆十六年

福字三幅

藏佛三尊

乾隆二十二年

增修甘泉縣志

卷首

十六

御書佛像贊

乾隆二十七年

御筆黃龍佛像一幅

御題金扇一柄

謹按此扇二十二年

御筆寫松至是復

題柰苑香花一詩于上係疊二十二年舊作韻恭載

御製詩內

石刻心經塔一幅

石刻金剛經塔一幅

石刻妙法蓮花

經一部 藏佛十尊

洋瓷挂瓶一對

御臨趙孟頫歸田賦手卷一軸

乾隆三十年

福字三幅 木刻千手千眼觀世音菩薩大悲陀羅尼經一卷

墨刻得勝圖一匣二冊 乾隆四十五年

御臨顏真卿書裴將軍詩帖手卷一軸

御臨快雪堂法帖

胡桂墨筆山水 董誥梅花畫幅

佛像七軸 乾隆四十九年

妙法蓮花經二函 楞嚴經二函 玉佛一尊

墨四合 鏡表一對 張鳴咸冊頁一部

御製紫陽書院詩冊頁一部 象硯二方並硯銘一幅

增修甘泉縣志

卷首

十七

御製喜晴喜雨詩冊頁一部 沈初冊頁一部

李汪度冊頁一部 蔣元益冊頁一部

硯六方並硯銘一幅

御製河源簡明冊頁一部

御製宋孝宗論冊頁一部 行宮名勝園亭圖說一部

玉三鑲如意二枝

御製南巡記一卷 白玉魚花插一件 金絲荷包一枚

禦製杪羅樹墨榻一幅 蘭亭墨榻一卷 硯式墨七件

御製古稀說一函 胡桂畫一幅

大觀堂六韻 乾隆二十七年

行館天寧側文椀額大觀省方協中正設教戒遊盤式展九

歌義匪求一己安增華稍踵事為媿不因歡

去歲在京聞淮揚行館視前巡

頗有增葺召鹽政高恆入京面飭則稱建置已成不能更罷今來駐蹕實覺過華不為喜也

民力雖無藉

商財詎可殫舜巡知弗逮禹德繼誠難

大觀堂疊舊作韻

乾隆三十年

南巡重莅止寧為恣娛觀展也必由義樂兮敢涉盤何來此
有覺恧若未遑安益勵甄心戒深防適已歡餘閒聊可棄精
蘊亦因殫在上思義象夔夔祇見難

題大觀堂

乾隆三十年

江浙省方迴三春蹕館開白棉飛苑柳青子綴庭梅旌茂於

增修甘泉縣志

卷首

十八

焉憩琴書此重

去聲

陪循名玩辭象顯若益深哉

題大觀堂

乾隆四十五年

大觀玩象義經示設教省方義最該必有休民敷政化寧因
適已事徘徊神心契處念今昔天下為家那去來理萬幾餘
得清暇拈毫也覺暢吟材

再題大觀堂

乾隆四十五年

渡江北上此維舟信宿仍教兩日畱花事南邦未云謝樹陰

夏院已加稠觀民觀我中心忖

近詩有觀民觀我生之句意以民心向背民風善惡民生

治亂皆因觀己之所行有以致之是以君民一體

曰旦曰明逝水流一再題吟泐齋

壁自思結習可念不

大觀堂對雨 乾隆四十五年

終日雲疎密非煙是霧濛溼衣看不見盈手潤原同問政仍
餘暇巡方半葺功平山罷遊舫付與詠思中

迴蹕於大觀堂得句 乾隆四十九年

觀我觀民義早申今觀迴蹕已南巡風恬浪靜渡靈瀆綠重

紅稀尙閏春北省幸霑高澤徧 連日留京王大臣及直隸山東河南各督撫陸續奏報得

雨深透至盈尺不等元孫適獲喜音新 昨留京王大臣馳報皇曾孫奕純得五代元孫之喜因賜名曰

載錫斯來未負時巡義自審惟增勵悚寅

謹按大觀堂在天寧寺 行宮內

御賜匾

增修甘泉縣志

卷首

十九

大觀堂 乾隆二十七年

文匯閣 乾隆四十五年

皇祖崇經訓圖書集成大成分頒廣流布高閣此經營 閣中貯分

書集成此閣亦倣范氏天一閣爲之規擬范家制工因商眾擎亦堪匹四庫 四庫

全書繁重不能分貯各處故祇賜圖書集成一部永以貯層藹

再題文匯閣

萬卷圖書集成部頒來高閣貯凌雲會心妙趣生清暇撲鼻

占香領淨芸身體力行愧何有還瀄返樸念常勤煙花三月

揚州地莫謂無資此匯文

文匯閣疊庚子韻 乾隆四十九年

天寧別館書樓聳向已圖書貯大成

此閣成于庚子亦做范氏天一閣之式為之曾

頌貯古今圖遂以推行度四庫

王寅秋以四庫全書分奔文淵文溯文源文津四閣者均

可按期蒞事因想江浙人文最盛士之願讀中祕書者不乏允宜廣布流傳以廣文治勅于揚州之文匯閣鎮江之文宗

閣杭州聖因寺之文瀾閣各貯四庫全書一分俾士子得就近觀摹並飭發內帑銀百萬于京師僱覓書手繕錄全書三

分驛致奔閣以昭我國家藏書美備教思無窮之至意 況因舊有匪重營西都七略江

干現東壁五星霄際擎卻待抄完當驛致文昌永古煥重甍

命頒布四庫全書時許願讀中祕者抄錄毋靳詩以誌事

發帑增鈔書四庫更非捷徑為崇儒

前因江浙為人文淵藪特命繕寫四庫全書三

部分奔揚州文匯閣鎮江文宗閣杭州文瀾閣俾士子得就近抄錄傳觀用光文治其抄錄書手皆特發內帑僱覓不致

濫邀議敘為仕途捷徑也 擬公寒士廣聞見預禁守臣嚴護符

全書繕竣分度三閣

增修甘泉縣志

卷首

二十

後恐地方大小吏過于珍護致徒供插架無裨觀摩因復降旨曉諭有願讀中祕書者許其陸續領出廣為傳寫但令督撫等派委妥員董司其事設立收發檔案登注明晰不致遺失舛錯俾多士得殫見洽聞以副朕樂育人才稽古右文之

至 褒博三倉實富矣精英二酉任觀乎欲期寰宇敷文教濟

濟明廷治贊吾

謹按文匯閣在天寧寺

行宮內乾隆四十三年

建度藏

欽定圖書集成計五千二百冊五百二十函至五十五年以所

餘空格度四庫全書一分計三萬六千三百七冊六千二百

二十三函閣三成五楹上懸

御書東壁流輝匾

萬壽重寧寺紀事 乾隆四十九年

天寧寺後建重寧眾志殷勤未可停 昨歲兩淮鹽政伊齡阿奏眾商籲請于揚州之

天寧寺後增建寺宇以申忱悃念其出於至誠因俞所請賜名萬壽重寧寺 祝頌雖稱七月什莊

嚴過甚梵王經卻看植竹還植卉奚必有池更有亭太守閒

情畱嶺在 梅花嶺在萬壽重寧寺旁府志載明吳秀守揚州時開濬城濠積土為嶺樹以梅因名梅花嶺 幾

株仍剩古梅馨

謹按重寧寺詳寺觀內

題春熙堂 乾隆四十九年

重寧寺側堂誅蕩靄韶光老柏蔚今色時梅發古香玲瓏湖石徑澹沱繡漪塘適以春熙額同民樂未央

增修甘泉縣志

卷首

二十一

俯鑑室

淥水沁圍階文鱗遊可數匡牀近階置鑑影座中俯開奩照鬚眉覲面忘賓主設云堪喻民其情大可觀

琅玕叢

琅玕叢裏小迴旋夏振聲清勝管絃加以雲棲幽徑擬設施終覺遜天然

謹按春熙堂俯鑑室琅玕叢俱在重寧寺東園內

御賜匾聯

春熙堂 乾隆四十九年

俯鑑室

普現莊嚴

乾隆四十九年

妙香花雨

琅玕叢

水木自清華方壺納景煙雲共澄霽圓鏡涵虛

春色芳菲入圖畫化機活潑悟鳶魚

倚巖松翠龍鱗蔚入牖篁新鳳尾娑

自覺雲林延靜賞喜從香界覓新題

御賜法物

佛龕三十五座羅漢山一座內供 玉佛十一尊

松石佛一尊 催生石佛二尊 銅佛五十四尊

增修甘泉縣志

卷首

二十二

法瑯佛三尊 玉羅漢十六尊 妙法蓮花經二函

楞嚴經二函 玉三鑲如意一枝 蘭亭墨榻一卷

御製南巡記一卷

慧因寺

乾隆二十二年

竺蘭結宇綠川濱棹返平山一問津禪衲已知因是慧試言

慧復是何因

慧因寺

乾隆二十七年

金粟如來是慧雲迴超緣覺與聲聞猶嫌靈運爲饒舌孟顛

精勤底足云

慧因寺

乾隆四十五年

淨慧本無因善因亦有慧無實淨之根有以善爲蔕而總非全提全提泯文義大士坐如如默然示度世

題慧因寺 乾隆四十九年

萬事不離因一念應於慧知因超能所解慧脫蒙翳因慧非兩途慧因無二致詎惟內典然繫辭見周易仁者謂之仁智者謂之智

謹按慧因寺詳寺觀內

御賜匾

慈緣勝果 乾隆二十二年

御賜法物

增修甘泉縣志

卷首

二十三

石刻心經一幅 乾隆二十二年

石刻金剛經塔一幅 乾隆二十七年

木刻陀羅尼經一幅 乾隆三十年

蓮性寺 乾隆二十二年

一朵花宮結淨因周環綠水漾波新歌臺畫舫何妨鬧恰是亭亭不受塵

題蓮性寺 乾隆二十七年

江都城北大陂澤水物由來清且奇瀟灑青蓮宇標性交蘆

同悟合還離

蓮性寺 乾隆三十年

一瓣一不韻 虞皆具性萬不萬瓣性皆空裝嚴塔院有如是無

盡光明碧水中

蓮性寺 乾隆四十九年

四面波圍一嶼迴蓮宮示性額楣懸春光六月花未放未放
句誠提以全

御賜匾

眾香清梵 乾隆二十二年

御賜法物

石刻金剛經塔一幅 乾隆二十七年

木刻大悲陀羅尼經一卷 乾隆三十年

增修甘泉縣志

卷首

二十四

御製杪羅樹墨榻一卷 乾隆四十九年

觀音山 乾隆二十二年

右拱平山嶠遐臨廿四橋古原詠文士今半屬禪寮法雨鏡
中落天花雲外飄憑牕尤暢意綠野潤新苗

功德林 乾隆三十年

竺宇平山左厥名功德林石磴雖不高亦足具四臨右俯適
來川絲管猶繁音左挹麥塍綠實覺娛吾心視聽胥且置一
思功德義譬如惠心者勿問孚惠意佛無物不度度亦不居
惠是則功與德二字將何寄微覺調御笑語言實兒戲

功德林口號 乾隆四十九年

平山左側聳雲岑梵宇向稱功德林度盡眾生始成佛兩言

未識佛初心

佛之深願度盡眾生方成佛道則功德二字佛所弗居也

謹按觀音山又名功德山詳前志

題天池

乾隆三十年

林中功德池迴自半天披綠水入澄照青山猶古姿魚衝漪
上下花弄影葳蕤一派曹溪味尋源識者誰

謹按天池在功德林中

御賜匾聯

天池

乾隆三十年

綠水入澄照青山猶古姿

乾隆三十年

增修甘泉縣志

卷首

二十五

御賜法物

御臨吳琚尺牘手卷一軸

乾隆三十年

御製杪羅樹墨榻一幅

乾隆四十九年

游倚虹園因題句

乾隆二十七年

虹橋自屬廣陵事園倚虹橋偶問津鬧處笙歌宜遠聽老人
年紀愛親詢柳拖弱縷學垂手梅展芳姿初試嘖預借花朝

為上巳

是處舊名虹橋修禊明日即花朝故云

冶春慣是此都民

遊倚虹園

乾隆三十年

情知名墅郡城西遂艤蘭舟步蘚隄花木正佳二月景人家
疑近武陵溪笙歌隔水翻嫌鬧池館藏筠致可題片刻徘徊

還進舫蜀岡秀色重去聲相溪

題倚虹園 乾隆四十五年

今朝駐蹕饒餘暇園倚虹橋路不賒畫舫命游任瞻就溪堂

近水實清嘉岸旁大吏周諮度川引洪流恐致差過倚虹園
詢問薩載

黃水到徐州之信據奏尚未接到稟報計日應到而未到恐
前此阿桂等奏開引河或有更變深為懸切薩載亦以為慮

如旱望霖愁更甚那更閒緒賞煙花

倚虹園 乾隆四十九年

畫舫沿溪蕩桂橈題園因近倚虹橋武夷九曲擬非謬陽羨

何年縮不遙風土記陽羨
亦有虹橋眞水假山頗遠俗紅花綠柳已含

韶新名舊號難究詰廿四中知第幾條吳中數橋以一
條兩條記之

增修甘泉縣志

卷首

二十六

虹橋 乾隆十六年

綠波香水飲長虹錦纜徐牽碧鏡中眞在橫披圖裏過平山

迎面送香風

謹按園在虹橋東南元崔伯亨舊址奉宸院卿洪

徵治建子候選道肇根修園之景有二一日虹橋

修楔一日柳湖春泛

御賜匾聯

倚虹園 乾隆二十七年

致佳樓 乾隆三十年

潤竹庭 乾隆四十九年

柳拖弱縷學垂手梅展芳姿初試嘖 乾隆二十七年

明月松間照清泉石上流

花木正佳二月景人家疑近武陵溪 乾隆三十年

鈞陶錦繡化工暢松竹笙簧仙籟諧 乾隆四十九年

御賜法物

御臨黃庭堅書寒山子龐居士詩手卷一軸 乾隆三十年

蘭亭墨榻一卷 乾隆四十九年

題淨香園 乾隆二十七年

滿浦紅荷六月芳慈雲大小水中央無邊願力超塵海有喜
題名曰淨香結念底須懷爛漫洗心雅足契清涼片時小憩

增修甘泉縣志

卷首

二十七

移舟去得句高齋興已償

淨香園 乾隆三十年

雨過淨猗竹夏前香想蓮不期教步緩率得以神傳几潔待
題硯牕含活畫船吹笙橋那畔可入牧之篇

題淨香園 乾隆四十五年

花以香爲淨人因去有來春秋十六閱歲月隙駒催徑入眞
玕曲座仍假竹陪 入青琅玕館仍綠竹參天而軒中坐
處雕木成竹爲屏榻巧而不傷雅 巧還

不傷雅拈句亦宜哉

題淨香園 乾隆四十九年

沼園得號本因蓮此際花遲春仲天碧水中寧無藕在心蓮

香淨豈非然

謹按園在虹橋東布政使銜江春別業當保障河
最寬處園之景有三曰青琅玕館曰荷塘薰風曰

香海慈雲

青琅玕館戲成口號 乾隆二十七年

萬玉叢中一徑分細飄天籟迴千雲忽聽牆外管絃沸卻恐
無端笑此君

青琅玕館口號 乾隆四十五年

轟轟千雲步步圖靜披細籟奏笙竽青琅玕信和闐顥夏徵
含宮似此無

增修甘泉縣志

卷首

二十八

青琅玕館 乾隆四十九年

問底泠泠拂耳過琅玕叢裏奏雲和莫嫌个个聯肩臂君子
由來豈厭多

怡性堂 乾隆四十九年

步入琳瑯徑書堂我所顏淨迎綠坡曲香待碧波潺 是園以竹淨荷
香得名竹則未 窗外真筠檻座中假竹攀 是處庭中植竹座
秋荷乃待夏也 間復刻木為琅玕

虛虛實實處怡性色空間

御賜匾聯

淨香園 乾隆二十七年

怡性堂 乾隆三十年

結念底須懷爛漫洗心雅足契清涼 乾隆二十七年

竹喧歸浣女蓮動下漁舟

雨過淨猗竹夏前香想蓮 乾隆三十年

水以澄渟謀目靜山惟平遠致心閒 乾隆四十九年

御賜法物

御臨董其昌仿凝式大仙帖手卷一軸 乾隆三十年

御臨董其昌畸墅詩帖 乾隆四十五年

蘭亭墨榻二卷 乾隆四十九年

趣園 乾隆二十七年

偶涉亦成趣居然水竹鄉因之道彭澤從此擅維揚目屬高

增修甘泉縣志

卷首

二十九

低石步延曲折廊流雲憑木榻喜早晤宦光 亭中木榻甚古
樸刻趙宦光題

流雲二字及董其昌陳繼儒
題語雖屬僞作頗愜幽賞

趣園卽景 乾隆三十年

多有名園綠水瀆清遊不事羽林紛何曾日涉原成趣恰值

雲開亦覺欣得句便前無繫戀遇花且止足芳芬問予喜處

誠奚託宜雨宜暘利種耘

題趣園 乾隆四十五年

日涉園成趣別之十六年景光仍似昔歲月暗爲遷隄柳眠

還起山梅淨以妍略徘徊便去桂檝指前川

趣園 乾隆四十九年

沿隄柳葉護梅花步入溪園清且嘉此是揚州絲管地可知
日涉有陶家

謹按園在長春橋東奉宸院卿黃履暹建候補道

張霞重修園之景二曰四橋煙雨曰水雲勝概四

橋者南春波北長春西玉版又西蓮花

半畝塘 乾隆四十九年

借問成何趣趣因竹及梅竹香留冬翠梅野笑春開半畝波
不作一奩影與陪天然澄照處五載偶重來

謹按半畝塘在趣園內

御賜匾聯

增修甘泉縣志

卷首

三十

趣園 乾隆二十七年

半畝塘 乾隆四十九年

縈迴水抱中和氣平遠山如蘊藉人 乾隆二十七年

目屬高低石步延曲折廊

妙理靜機都遠俗詩情畫趣總怡神 乾隆四十九年

御賜法物

御臨蘇軾題贊手卷一軸 乾隆三十年

高詠樓 乾隆二十七年

高樓蘇蹟久羶薌今古風流翰墨場八詠遙年符瘦沈一時

同氣近歐陽山堂返棹閒留憩畫閣開牕納景光卻憶髯翁

擬擱筆似聞翁語正何妨

謹按樓為按察使銜李志勳建候選道張緒增重修園之景曰蜀岡朝旭隔岸為石壁流淙

御賜匾聯

高詠樓 乾隆二十七年

清韻堂 乾隆四十九年

山堂返櫂閒留憩畫閣開牕納景光 乾隆二十七年

水月情懷同迴照神仙翰墨有餘芬 乾隆四十九年

御賜法物

蘭亭墨榻一卷 乾隆四十九年

增修甘泉縣志

卷首

三十一

水竹居 乾隆三十年

柳隄繫桂艘散步俗塵降水色清依榻竹聲涼入牕幽偏成
獨善攬結喜無雙憑底靜諸慮試聽石壁淙 是處本名石壁流淙為平山四

十景之一

謹按水竹居奉宸院卿徐士業建園之景曰小方壺曰石壁流淙

御賜匾聯

水竹居 乾隆三十年

靜照軒

水色清依榻竹聲涼入牕

御賜法物

御臨蘇軾巨然海野圖手卷一軸 乾隆三十年

蘭亭墨榻一卷 乾隆四十九年

篠園 乾隆四十九年

篠園遠爲趣葑徑瑞兼稱未免遊時態偶來因興乘餞春風
度逸迎夏露光凝得句還前進平山約我曾

謹按篠園故編修程夢星別業奉宸院卿汪廷璋
改建其姪孫承璧重修

御賜法物

御題趙令穰江南春圖卷一軸 乾隆四十九年

增修甘泉縣志

卷首

三十二

蘭亭墨榻一卷

平山堂 乾隆十六年

梅花纔放爲春寒果見淮東第一觀馥馥清風來月牖枝枝
畫意入雲欄蜀岡可是希吳苑永叔何曾遜謝安更喜翠峰
餘積雪平章香色助清歡

雨中遊平山堂 乾隆二十二年

麥穎新抽正資澤梅英乍擢雅宜遊可教古寺徒吟謝遂使
平山不問歐隄柳垂垂度煙重篷筠淅淅入寒浮微嫌絲管
饒繁會咫尺林泉負冥搜

平山堂 乾隆二十二年

西寺西頭松竹深歐陽舊蹟試遊尋江南山色秀無盡二月
韶光美不禁四字簷端垂

聖藻

康熙四十四年
賜賢守清風額

千秋座右揭官箴春巡處處

前徽仰到此尤厪顙俊心

自高旻寺行宮再遊平山堂卽景雜詠六首

乾隆二十二年

前湖煙棹盪耽玩供帳因他率已陳自是晴明山色好重教

遊騎策高旻

富庶從來說廣陵滿城絲管映街鐙唐風擬令崇淳約謀食

貧人慮失憑

商人習爲侈靡其技巧役之貧民藉以餬口者甚眾亦損有餘補不足之道若令如唐魏儉嗇

則士著益艱于
謀食故不之禁

增修甘泉縣志

卷首

三十三

春風行館憩天盞早見平山黛色青便進湖船漾新碧且看

夾岸畫爲屏

一株綠柳一紅欄絲絳沿隄引木蘭小令還輸蘇氏軾

蘇軾
有三

過平山堂

下小詞

東山未擬謝家安

潤含新麥綠滕寬恰是淮南第一觀試想風流賢太守詎因

鼓舞助清歡

蜀岡遊罷催歸轡畫鷁原遲十里餘

是日自高旻行宮策馬
度郡城至天盞行宮易

湖船歸亦仍之以馬便於
船且百姓得以近光也

船馬北南殊所習始知古語信非

虛

遊平山堂

乾隆二十二年

卓午行宮頗無事偷閑一再至平山花辭駘蕩紅紛兩林報
清和綠可攀逾月風光易爾許千秋吟咏檢其間何當向者
留新什早泐茗華待我還

遊平山堂卽景雜詠八首

乾隆二十七年

九峯園畔換輕舟古郡城西初度游二十四橋雖莫辨紫薇
猶足緬風流

樓臺絲管廣陵擅廿里雙隄隙地無幼挈老扶恣瞻就吾心
所喜在斯夫

陪臣賀節大宛朝侍衛攜來不憚遙便許隨觀都踴躍無文
徑說踐紅橋

增修甘泉縣志

卷首

三十四

舟移岸轉換歌聲早見平山翠黛橫五載流陰纔瞥眼越豪
今日是吟情

一脈西來總蜀岡安名立字定何妨東山偏自稱功德蓮界
因之禮法王

瀑泉洄洑落雲空宛轉輕輿有路通對峙雙峯度雲棧笑他

望蜀太求工

是地有雙峯
雲棧之名

山堂小憩引遐思論世端宜尙友茲漫惜梅花開未盛看梅
恰合是此時

閨藏芳信待維揚霽旭和風了不涼綠蕙紅襟爭放色平山
今日識春光

題平山堂 乾隆二十七年

賢守建堂鄰大明 輿地志堂在大明寺側 江南山色與簷平家聲讓彼

稱三至朋盍欣茲近四并 三至堂曾肇建四并堂韓琦建皆見志書 古往今來總

佳話松風水月那閒情林泉不異前巡況一卷真教畫裏行

再游平山堂 乾隆二十七年

時節逮花朝百卉舒韶光駐蹕有餘暇爰再游山堂遠迎坡

梅紅近拂隄柳黃夾隄多名園時復一徜徉遇佳輒留題好

樂亦戒荒畫舫不知遙至止大明 寺名在山左首 旁迴出適所逢

試問因何芳地勝究以人羣然懷歐陽既乃怵然懼得母誚

馮唐

增修甘泉縣志 卷首 三十五

四月朔日游平山堂 乾隆二十七年

畫舫輕移邗水濱人思六一重游巡陰陰葉色今迎夏袞袞

花光昨餞春巧法底須誇激水 商人引水為飛瀑激為釣突高尺餘雖稱新巧頗失天真

澗風惟是慙 去聲 投薪江南山可平筵望望豈因山因憶民

題平山堂 乾隆三十年

鬱律山堂倚碧巒建時猶是紀廬陵羶薌佳勝七百載嘯詠

風流四五朋必有真能被民澤不然何以至今稱

重來拱讀

奎章煥旌淑原從漢詔徵

再游平山堂即景雜詠八首 乾隆三十年

曉煙欲泮猶未泮山色如遙卻不遙一路名園都可憩木蘭
先泊倚虹橋

纜牽春水拍舟輕戟戟新蒲刺水生夾岸樓臺不知幾
去聲飄

飄都在鏡中呈

澹蕩春風靜碧淪隄籠絲柳拂船脣沿隄緹騎非嚴蹕爲挈

銀牌賜老人

春光滿眼已撩人梅白檠紅倚翠筠屈指長橋過廿四風流
誰是紫薇倫

有時屨步有時舟幾暇聊成爛漫遊饒舌咄哉此言失得閒
吾豈樂天流

增修甘泉縣志

卷首

三十六

傍午徂雲忽放晴平山擢翠益分明吾寧徒爲
去聲遊山計計

到田功實暢情

綠竹參天一徑細曰梅似海萬株多援毫題曰小香雪大者

泱旬較若何
屈指一句
當至鄧尉

梅塢西鄰卽蜀岡春風依舊坐山堂適來絲管真嫌聒恰喜

松風一掃涼

遊平山堂卽景雜詠
乾隆三十年

去時春仲來春暮真是春光馬上看祇有風流賢太守千秋
名在碧峯端

北瞻崑軸廣陵南園倚虹橋鏡影涵設使武夷徵故事便當

九曲自茲探

綠柳陰濃曲岸頭
緩移畫舸惠風柔
青琅玕館凝神盼
誰道尋常竹有秋

侍衛銀牌賜老人
渴恩便奪亦情真
可知半日行春舫
不爲閒遊爲省民

暖香明豔正含嘉
幾架雲棚護惜加
不讀廬陵歐氏序
誰知天下有眞花

麗日輕風喜朗晴
麥田吐穗待秋成
今朝功德山頭望
始覺吾心暢快生

平阜池堂俯碧漣
已看荷葉出田田
傳花命酒圍嘉客

卽歐陽修

增修甘泉縣志

卷首

三十七

在揚州事 高致當年在眼前

坐惟片刻未斜暉
問景聽稱馳驛飛

尹繼善每稱遊山似馳驛然過而不留實予本

意耳 短句八章聊紀事
足酬嘉興可言歸

遊平山堂疊壬午舊作韻

乾隆四十五年

邗江昨日艤行舟
清曉平山作勝遊
七字昔年賡舊韻
春秋十六閱如流

慧因寺裏參調御
淨善聊爲辨有無

題慧因寺詩有無實淨之根有以善爲蕪之句

可惜僧雛不識此
施檀熱鬧羨金夫

杜詩休說李唐朝
千百年來事已遙
豈啻笙歌二十四
略嫌

雜選壓溪橋

漫教警蹕肅呼聲老幼任趨縱與橫到處欣他親切意不孤
多載愛民情

功德平山一脉岡棧途跋馬尙無妨驩虞皞皞忘分別底事
子輿較霸王

精藍色色與空空丈六無爲罷六通到此應忘一切地而何
點筆騁吟工

賢守清風一緬思 四字爲 皇祖御題

奎文千載永留茲至今大法小廉者
垂訓依然凜

昔時

增修甘泉縣志

卷首

三十八

遊餘亦命返帆揚川路韶羲暄且涼岸轉舟行迴首望綠雲

叢底淡煙光

遊平山堂再疊壬午詩韻 乾隆四十九年

大觀堂外命輕舟一卷圖中作勝遊 向有平山一卷圖畫之諺 恆此尋詩

爲卽景不妨認性且隨流 隨流認得性 出禪宗語錄

因如且慧不妨有慧豈依因本自無 行宮右側卽慧因 寺登舟必由此 輸與

寺僧粥飯罐那曾於此做工夫

平山數典憶前朝六一風流事未遙記取維揚歐氏宅不殊

閩海蔡家橋

木蘭不藉棹歌聲黃鳥音傳煙柳橫故事何須舉柑酒生生

萬物遂其情

南來初見此平岡濟勝依然步不妨祇是詩情輸章莊杜牧

那更畫意學倪瓚王蒙

寺旁精舍八牕空騁望來途一水通海闊天空點也意笑他

綴景太求工

豫遊回首不堪思豈謂今來獨憩茲

聖日有皇祖御書賢守清風室

慈暉徒憶昔行雲流水可觀時

黔黎雖聽頌聲揚卻我猶慙一德涼老矣不期重問景吟留

八首賞煙光

增修甘泉縣志

卷首

三十九

再遊平山堂乾隆四十九年

舟依柳岸行行近輿指松巖欵欵登策馬而今慙略少觀民

于昔倍為增幽探適遇其何戀拙速由來我所能笑指綠疇

麥芄處是前度為去聲爾愁曾昨過維揚正在望雨此時迴蹕則雨已透足麥疇芄蔚比前此

大改觀矣

謹按平山堂詳前志

第五泉乾隆二十二年

有冽蜀岡上春來玉乳新可識品泉者非關姓陸人張又新品此為

第五

第五泉乾隆二十七年

平山堂畔石欄圍甲乙由人弗是非三度平臨收勿幕勞民
勸相慎幾微

謹按第五泉在平山堂西園內

天然三友歌

乾隆四十九年

平山之麓可號嶺嶺頂喬松嶺腰竹嶺之腳更有梅園是一
身而三友足況胥本性出天然非藉人工增以俗是名津逮
自東坡時之良朋稱永叔斯友斯地恰相宜不可無言過以
促圖此者多難儂數今日此圖逢以獨拙速片刻命歸舟蕭
謾輕風送清馥

御賜匾聯

增修甘泉縣志

卷首

四十

天然三友

乾隆四十九年

詩意豈因今古異山光長在有無中

乾隆二十二年

對時真愜農桑慶寧道非關視聽娛

乾隆四十九年

御賜法物

石刻生秋詩一卷

乾隆十六年

石刻心經一卷

石刻心經塔一幅

福字三幅

乾隆二十二年

御筆墨梅花扇一柄

御臨蘭亭手卷一軸

乾隆三十年

福字一幅

欽定重刻涪化閣帖一部

御製杪羅樹墨榻一幅 乾隆四十九年

蘭亭墨榻一卷

御賜匾聯

蜀岡慧照 乾隆十六年

淮海奇觀別開清淨地江山靜對遠契妙明心

法淨寺 乾隆三十年

謹按卽前志大明寺

賜改今名

題小香雪居 乾隆三十年

增修甘泉縣志

卷首

四十一

竹裏尋幽徑梅間卜野居畫樓眞覺遜芳屋偶相於比雪雪
昌若曰香香澹如浣花杜甫宅聞說此同諸

謹按小香雪舊稱十畝梅園汪立德闢在蜀岡

御賜匾聯

小香雪 乾隆三十年

竹裏尋幽徑梅間卜野居

附錄園亭

平山堂西園在法淨寺右光祿卿汪應庚建

雙峯雲棧在功德山西按察使銜程玠建

山亭野眺在功德山之半理問程瓊建

尺五樓在蜀岡麓汪應庚孫秉德建

萬松疊翠面對蜀岡

春流畫舫在萬松疊翠前並奉宸院卿吳祖禧建候選

布政司經歷汪文瑜修候選州同張熊重修

篠園花瑞芍田廣數十畝中爲瑞芍亭園詳見前

春臺祝壽俗稱大花臺在篠園右當保障湖曲處奉宸

院卿汪廷璋建爲兩淮人士呼嵩獻

壽之所

平流湧瀑在大花臺之後

錦泉花嶼南接水竹居刑部郎中吳玉山別業後屬知

增修甘泉縣志

卷首

四十二

府銜張正治

白塔晴雲在蓮性寺對岸按察使程揚宗州同吳黼春

先後營建運副巴樹保重修

桃花塢在保障河西岸副使道前嘉興通判黃爲荃別

業候選州同鄭之匯重修

梅嶺春深在保障河中央主事程志銓建候選大理寺

丞余照修

邗上農桑

杏花春舍並在迎恩河西岸奉宸院卿王勗建

臨水紅霞

平岡豔雪並在迎恩河東岸州同周柟建

長隄春柳西接虹橋同知黃爲蒲別業候選知府吳尊德修

冶春詩社在虹橋西岸州同王士銘建知府田毓修西園曲水本張氏故園副使黃晟修地當保障河曲處候選道汪羲重修

卷石洞天在城河北岸本員氏園址奉宸院卿洪徵治別業隔水卽倚虹園俗以倚虹爲大虹園此呼小虹園

城闈清梵在北門外慧因寺側按察使銜畢本恕提舉

閔世儼知府銜汪重耿羅琦先後修葺

堞雲春暖在慧因寺對岸封太僕卿江進建

東園在拱宸門外之東

萬壽重寧寺之左乾隆四十八年淮商建寺爲祝

釐之所拓其旁爲園前卽梅花嶺

以上續志

